

廣西昭忠錄



殷  
馬  
總  
錄

炎  
緒  
己  
丑  
之  
刃  
開  
離

股匪總錄卷一

思恩府

陶八 韋添芬 黃高忠 石牛四

凌亞東 乃利中 張俊甯

謝江甸

李現光

李錦實

宋扶桿

王綉球

覃特學

股匪總錄

卷一

劉新城

泗城府

廖萬服 楊通潮

梁奉停

李照波

陸成武

勞亞東 代味中 趙分甫

謝八 葉滋長 黃高忠

恩恩訊

股匪總錄卷一

平沙陶入賊韋添芬

黃高忠

石牛四

道光三十年二月起

咸豐元年七月止

陶入賓州楊橋墟人道光三十年二月與丁四等糾黨二千餘人擾上林之白沙墟土匪周四周入韋明禮等導入大山踞蘆荻三村爲巢穴署思恩府知府劉繼祖上林知縣清泰勦之弗克竄上里七月由思隴竄撲武緣縣城踞鄧墟八月分竄貴縣來賓署思恩知府馬麗文集團大搜陶入窮蹙乞撫易名昌培隨官軍屢殺賊有功保受武職後至廣東以罪正法其同時倡亂者有韋添芬黃高忠石牛四

股匪總錄

卷一

二

韋添芬上林土縣人與陶入黃高忠各自爲股潛相糾結道光三十年七月陶入撲武緣縣城添芬乘間薄思恩府城守嚴得不陷踞二塘新墟掠上林之大山爲團總覃鴻寶所殺

黃高忠上林人道光三十年六月由上林竄武緣之楊墟合王亞左亞右兩股匪往來上林武緣之間踞三里營爲巢十一月團練剿平三里營殺高忠

石牛四卽覃石養或名胡石養貴縣大村人道光三十年二月突入遷江縣城大掠而出旋散匿咸豐元年七月團總韋法乾偵知匿永淳之葛村與賓州知

州陶錫圭掩捕獲之並獲其弟廷啟

股匪總錄

卷一

三



廣東通志卷之...

凌亞東

乃利中

張俊甯

道光二十八年九  
月起咸豐二年七

止月

凌亞東思恩府白山土司人居感墟大牛腸張俊甯  
麥亞水皆其黨也道光二十八年九月與游匪乃利  
中合夥踞山心墟結白山土目黃菊陸松謀亂事洩  
二十九年思恩知府劉繼祖捕殺大牛腸俊甯亞水  
惟亞東利中逸出咸豐元年與陸鵬理等附歸德土  
匪李中往來化州之泮柯江中沿江蔓擾安定土司  
潘梧往捕擒韋時傳等幾獲亞東適有武緣土匪恆  
勝堂張俊贊竄至亞東與合復大熾分遣張時贊羅  
股匪總錄

卷一

四

五等竄歸德破哨墟踞武緣之淶谷村自率大股回  
踞感墟以爲援十月署隆安知縣高延祉率歸德土  
知州黃惟錦馳剿感墟至那卷陷賊中死之武緣知  
縣廣壽守備李成瑞克淶谷誅羅五等十一月右江  
鎮總兵谷韞燦思恩知府馬麗文潛攻感墟破其巢  
縛亞東及俊贊等利中逸入雲南二年七月潛回百  
色廳屬之竹村遊擊馬東旭縛之或作凌亞冬廣東  
欽州人

謝江甸

咸豐元年八月起四年五月止

謝江甸思恩府人旗稱廣勝堂久踞山心墟爲巢咸豐元年八月糾恆志廣志各堂匪竄踞馬平右江鎮百色廳奉議州三處會兵督土知州岑乃青岑鑑岑鎮進剿時謝錫祥初就撫隨奉議州州判易見心部下與劉潤新奮勇出敵江甸敗北廣東鶴山艇匪梁亞光駕波山船竄入南甯與羅廣貴顏雲甫附梁大口昌合股沿河劫掠至下顏墟復與江甸相結江甸敗入山心亞光率陸廣新任亞應易亞英竄土上林縣廣貴投誠二年正月廣貴復叛亞光等迎之推爲

股匪總錄

卷一

五

頭目江甸踞下顏假招撫爲名充壯勇稽查河道肆其劫掠或包送貨船漁取厚利隆安知縣羅宜霖捕之江甸敗走適遇廣貴船至連檣駛去糾土匪黃卜同卽黃仲教宋兆生韋卜慶由陸路爲援二月復踞

平馬署思恩知府馬麗文百色同知朱啟元奉議州州判易見心隆安知縣羅宜霖遊擊馬東旭千總馮春把總李文翰土知州岑乃青岑鑑岑鎮會剿平馬陣斬江甸梟首以聞黃卜同率衆突至見官兵戰酣縱橫奮擊反奔土田州之馱醫江甸餘黨竄匿土田州之山隴三月易見心平山隴卜同走匿作登山中

爲岑乃青所獲並獲兆生卜慶於賓州四月廣貴率  
亞光等並糾廣馬李亞信土匪黃亞友大肆猖獗羅  
宜霖擊燬其船以次擒誅十月江甸弟謝八復出嘯  
聚山心河下招集袁晚謝錫祥散匪攔截隆安上林  
沿河行旅陸路村堡亦被蹂躪然烏合之餘自相疑  
忌旋卽分散至四年三月以肅清聞

股匪總錄

卷一

六

李現光

咸豐五年五月  
起六年七月止

李現光右江鎮標外委也咸豐五年五月與馬兵李鳳祥倡首索餉總兵奚應龍斬鳳祥以肅軍政現光糾兵丁百餘人叛出結土匪黃色讓踞法村守備劉潤新張麟瑞往剿擒黃正秀等六人潤新亦被銃死六月現光伏內應更結游匪豆皮倫豆皮賴等攻百色廳城署同知慶齡與奚應龍登陴擊退七月接署百色同知陶兆恩會兵城下大捷現光退入法村八月結隆安土匪夏正大竄擾土上林縣十月官兵擊殺振大十二月西林土匪覃四出凌雲雪平墟將附

股匪總錄

卷一

七

現光於法村六年正月陶兆恩與遊擊馬東旭把總劉善慶擊殺覃四於新墟餘匪多係被脅者解散歸團現光勢孤踞法村不出七月奚應龍募人爲內應潛入法村約期舉火因縱擊之十六日擒黃色讓關世會吳洪開王兆榮楊洪升賴得明等數十人現光率黎亞興曾廣全等奔逸斃於亂軍中

李錦貴

咸豐五年四月起同治四年十一月止

李錦貴上林縣東關人咸豐初年上林所屬之巷賢鄉有賓州陶八之役三里城有遷江張家升之役城鄉皆設團防錦貴初亦團首也挾持跋扈稔惡已久五年四月佞吳村土匪覃國香勾覃觀成夜劫佞吳敗入錦貴團中逆迹大著署知縣楊培堃撤去總局凡事由地方官節制錦貴由是設局於家與黃元鏐卽黃三李紹理等結黨號大勇堂六年春自稱大元帥建三軍師命旗幟官不能禁土匪外匪劫掠所得就錦貴瓜分以是擁厚貲四月與獅螺莫剛強上團

股匪總錄

卷一

八

李維堂出劫維堂被殺錦貴分遣其衆入墟地村七年正月糾賓州逆紳謝秉彝謀犯縣城爲人和團擊敗掠棠桃村錦貴退入獅螺秉彝竄入賓州三月秉彝糾貴縣黃鼎鳳攻城援兵弗至六月二十日城陷知州翟景禧死之七月秉彝合於錦貴同犯上林知縣楊培堃禦於城南八月初八日城崩培堃被執罵賊死錦貴入城改僞澄江縣自稱明義將軍大司馬元鏐紹理爲左右指揮魯銓浙江人張立忠武緣人爲軍師秉彝分守賓州蓄髮變服徧張僞示用太平天國年號元鏐等各於本團分立營壘制如官署迫

脅各村堡戕害州同銜周秉鉞監生周啟修生員盧成章等數十人殺男婦數百被擄者千餘自是土匪紛起不可勝紀八年二月上林舉人韋慶祚督飭脅從者薙髮返正爲莫剛強莫昆山所殺四月代理知州何兆葵克復賓州擒誅秉彝逆弟秉伸與楊社福逃匿於永淳之嶺背七月副將蕭榮芳統焯勇志同軍進剿錦貴克復上江十餘村擒李右部李顯署等九月焯勇回柳州錦貴鼎鳳亦回上林十月署知州任秉鈺履任兆葵督辦團務養疾於思村十一月秉伸社福復陷賓州任秉鈺與營守備韋廷忠韋啟賢股匪總錄

卷一

九

皆遇害九年三月破思村慘殺兆葵以去七月錦貴招鼎鳳周榮祖卽周十二攻破巷賢桃塘內八義外八義等村九月石達開賊目賴剝皮卽賴裕新及采姓彭姓者分三股由貴縣竄至賓州復至上林敗入青泰墟數日竄入武緣十月金陵逆首石鎮吉自桂林敗至賓州逐去黃三入踞州城僞都統黃大得率萬餘人掠上團入蘆荻三村移屯中團張耀中顯各村黃丹桂率黨入夥十一月爲團練擊敗復入賓州僞指揮羅文祥被殺失輜重器械無算錦貴與丹桂遣梁容光譚大適迎大得出屯張耀自往州城迎僞

知縣劉姓者履任丹桂分出劫掠殺傷甚衆十二月  
鎮吉率全股分出爲團練截回武舉韋高元叛附丹  
桂爲李樹庭毛福彰所殺張耀被圍大得宵遁入城  
十年正月鎮吉封錦貴爲澄江縣大令元鏐等皆受  
僞封錦貴率莫剛強道出古蓬戕代理知縣陳汝於  
佷候村大得入上林三日入武緣梁容光莫剛強譚  
惟寅莫如爵等踞古蓬里村二月古蓬黃懋昭北更  
藍有香藍甲河傍黃世昌馬蹄藍演文安定司土目  
蒙玉光攻破里村殺剛強容光惟寅殲賊過半如爵  
逃歸四月石達開由慶遠過九土司分二股一至上  
林一至武緣之陽墟錦貴迎上林一股入城中復由  
鎮鄣繞至陽墟合股陷武緣縣城五月石達開另股  
萬餘人由遷江竄賓州錦貴迎之六月攻上團爲黃  
庫韋村團練擊敗十一年二月錦貴迎眞天命太平  
天國聖神電通軍主將翼王石達開入上林縣城加  
封錦貴純忠大柱國體天侯三月周定邦李有聯分  
攻三里時達開全股僅萬餘人分二股出竄錦貴一  
股攻水臺村達開一股趨巷賢上團攻韋村築木城  
六座以困之日夜轟擊屋舍盡燬竟不能下舉人周  
建勳拔貢周世德等毀其呂公車募敢死士夜襲之

達開大敗輜重盡失定邦有聯亦屢敗合於達開五月思恩知府徐引招撫餘黨錦貴適病死謝必魁率衆歸團宣化賊首李青靛投誠誘擒賴剝皮以自贖達開竄貴縣六月克復賓州十一月達開由賓州擾上林武緣竄出南隘爲團練截擊數敗不能支自崑崙關突至思隴同治元年十一月黃丹桂入思隴踞內外深田爲巢團練圍攻破之四年七月候補道易元泰統兵剿辦上林股匪莫山匪首莫風皮底墟譚七石旗李有聯青泰黃高吉皆敗入通津與周定邦合股八月擒誅莫風皮及先鋒莫十等九月礮斃譚

股匪總錄

卷一

十一

七及周三先鋒李源合十月收復縣城攻周定邦於上巖定邦走入武緣以次招撫雙桂獅螺等村先是黃元鏐李紹理初從貴縣黃三受僞封衛天侯大元帥後附錦貴受石鎮吉僞封與定邦皆黨類也錦貴既死元鏐等匿於家至是定邦遣李有聯往約復謀起事十一月督辦道遣人誘入行營戮之定邦匿大明山之獨女峯千總易復盛縛以出並韋扶苟韋老三等悍賊千餘人錦貴踞城久積惡最甚衆請戮其屍並斬其婦韋氏子彥溶兆溶族誅以徇

宋扶捍

咸豐七年三月止

宋扶捍賓州黎村人初行劫咸豐七年貴縣股匪黃鼎鳳犯賓州扶捍爲後隊僞先鋒城陷旋復鼎鳳回竄扶捍遂踞黎村爲巢分遣悍黨謝必颺陸炳南等於甘棧平山十餘處時思恩府屬土匪蠶起遷江之張其旋覃錫恩上林之周定邦李有聯武緣之韋純新林漢宗蔓延及宣化隆安縱橫數百里扶捍最悍爲土匪大股互相糾結故得久踞同治三年五月巡撫張凱嵩檄候選道易元泰統領遊擊劉益元參將潘忠實由賓州遷江以達思恩克大嶺七月賓州知股匪總錄

卷一

十一

州王錫齡參將雷志德克梁村孫仁廣出潘園援扶捍各屬土匪分路來援爲官兵擊敗扶捍窮蹙守黎村其被脅之十餘村盡返正惟逆弟扶秋與周道澹踞麥村九月村人吳廣桀縛扶秋道澹來獻麥村平十一月守備李廷芳擒扶捍其弟宋狗嗽五領餘匪尙二千餘人僞稱元帥覃汝弟副之三月黎村破悉擒戮官軍以次徇遷江諸土匪平之



覃時學

同治五年九月起十月止

覃時學上林縣古意村人與覃組應盧光蘭

即羅光蘭

曾充周定邦先鋒定邦伏誅潛回上林同治五年春與韋時生蘇時巢蘇時木等相結那良村羅金龍者故豐於財爲人誣控於縣丞劉培源差緝之金龍不赴未幾縣丞劉培源權縣印銜金龍且利其富會營親往那良羅金龍避匿他村劉培源住其家十餘日不肯回新任郭從傑已接印劉猶婪索不已杖斃羅金龍工人覃致其兄覃時學糾匪突至戕劉培源於牀兵勇死者八人七月郭從傑馳攻那良村火其巢尋得培源屍以斂擒時學殲時生等二十餘人爲培源位剖心以祭之旋於弄河山中捕獲蘇時巢盧光蘭正法蘇時木逸出當時稟報失實誤以劉培源剿匪被害請卹也

股匪總錄

卷一

十四

劉新城

同治七年  
起九年八月止

劉新城武緣積匪也武緣南路之林墟葛墟伊嶺西路之鑼墟舊墟四塘皆深林密箐爲土匪淵藪同治七年剿辦善後匿匪間有竄逸漸至復歸八年冬新城與劉芳聲方時美季成榮等煽惑糾結肆出剽掠宣武土匪盡歸之復爲大股如初九年春署武緣知縣唐鳳翔捕殺王元虧羅時頂四月糾合遊勇數百人踞宣武交界之淶繞棗烟署思恩營遊擊庾文昌擊之竄瀨漚村五月將攻城知有備而退六月攻那宮村陷之踞爲巢兵練擒阮之忠阮時息方時如方

股匪總錄

卷一

五

時弟等新城分屯伏甘村副將潘其泰統帶果勇自來賓移軍武緣營伊嶺分營潭湖潭造白面伏梁斬劉時結追偏那官賊目劉黔配林時活撲營皆擊退七月知府葉葆元領府勇馳至武緣與果勇會營瞰毛村劉黔配築壘於伏甘之側牽制官兵外委會日成焚其壘擊黔配斃敗匪奔那官果勇府勇分五隊環攻縱火捍黨盡死遂克那官七月二十三日也乘勝平埔空板楊韋淶雙橋諸股匪新城走宣武交界之淶闊八月初六日諸軍合圍新城創甚縛至葛墟梟以徇並誅僞先鋒林時敏林時五

廖萬服

楊通潮

同治三年正月  
起四年四月止

廖萬服貴州貞豐州人家素裕甫成童無所事游民  
楊通潮者以星相行其術於貞豐言人休咎有小驗  
萬服延致之徧視家中人無所可否熟視萬服愕然  
大驚曰眞命人主也衆譁爲妄萬服謝之去然疑信  
參半復招通潮宿於家行踪詭秘萬服惑之僞爲王  
者通潮着妖服稱軍師結土匪李老使陳三魁等分  
糾夥黨浹旬之間衆至數千人同治三年正月拜通  
潮爲令公老使游標楊三章晚爲將軍徐士義陳三  
魁爲軍師劉老申劉老富爲先鋒突入西林縣屬潞

股匪總錄

卷一

六

城司二月分踞凌雲縣屬之邏里利周犯泗城府府  
無城郭知府吳其達出禦不克三月破入南關勢益  
震先是泗城土匪張世榮卽張三踞隣站爲通潮所

虐其達因而撫之得數百人使隨遊擊張麟瑞把總

馮永明陳顯宗外委周勇章張再榮團總梁鳳庭潘

建邦蒙開雲等督兵練剿之凌雲知縣李世椿率千

總李敦忠勇目陸英咸分進爲援再榮中礮死殲楊

三等數十級四月收復南關擒三魁賊竄甘村逐之

再捷於鳳凰山竄至右里安凝等處七月回竄西林

之六香寨八月至八桃巡撫張凱嵩檄知府鄧雲襄

接署泗城府事十月擒老使賊竄淦林那安四年二月克之殺士義游標吳潮發韋晚賊退抵孟三月初四日捷賊竄土富川之那良滇黔官兵來會四月初四日擒通潮越三日縛萬服偽先鋒劉老申劉老富逸出

股匪總錄

卷一

七



...影漸越三日...  
...劫掠...  
...日...  
...日...  
...日...

梁奉停

同治四年七月  
起五年六月止

梁奉停泗城府

縣人與東蘭土匪韋瑞光章明

正岑和甫陳五羅菊龍四互相勾結同治四年七月由鳳山土司竄入凌雲焚劫漢哨大洞客總田天錫禦之竄入天峩之那暮托里破淶半亭平寨時天峩土匪羅天踞邏西平古村吳雙福陸九踞板隆亭白虫村韋雙韋二麻羅階蒙六立倡爲天地會踞淶半亭黃萬黎兆蒙全羅冒羅柳黎見等踞平蠟白福白引白蔭桂花各村黃終黃兇黃豹黃海黃漏黃芳友等踞拉簡山黃際春岑甫亭岑建亭等踞邏西平域

股匪總錄

卷一

六

亭班三羅用踞那來村五年四月奉停與劉老申劉

老富劉三劉四分列五寨屯於葛亭老申會充廖萬

服先鋒尤悍奉停於土匪中爲游匪大股代理泗城

知府陳燮埏飭凌雲知縣劉琢天峩縣丞潘永清卸

署縣丞劉錫鴻集團練剿之大捷奉停招各土匪並

南丹外匪渡紅水江來助五月再捷奉停敗入邕更

官軍收復天峩六月團首班學義導官兵入邕更縛

奉停並先鋒等數十人瑞光領餘匪竄回鳳山那朗

村以次平各股土匪六年正月平羅天三月平吳雙

福七年正月平黃萬三月平韋雙六月平黃際春七

月平黃終十月平班三八年四月平岑甫亭或云班  
三羅用逸出時署泗城府知府朱騰偉署凌雲知縣  
劉琢署天峩縣丞潘永清永清兄逢卿死於羅天之  
役

股匪總錄

卷一

五



月平黃終十月平班三八年四月平岑甫亭或云班  
三羅用逸出時署泗城府知府朱騰偉署凌雲知縣  
劉琢署天峩縣丞潘永清永清兄逢卿死於羅天之  
役

股匪總錄卷二

平樂府

羅三鳳 何崧

曾亞昌 温大貨五 林北生

鄧正高 何登光 趙雄 陳永秀 黄金亮

鄧興雀 陳志廣

陳亞求

張高友

羅亞會

黃亞居

股匪總錄 卷二

李良 楊西安

李苟稅

李榮

股匪總錄卷二

羅三鳳

何崧

道光二十七年九月起十一月止

道光二十七年秋九月雷再浩李世得倡亂各府廳州縣土匪乘機竊發先自平樂始羅三鳳何崧皆平樂縣人匿縣屬之野鴨塘觀音山等處或出行劫結盟拜會初僅數百人桂林府屬之臨桂陽朔永福平樂府屬之荔浦修仁永安潯州府屬之平南各有土匪嘯聚聲息相通至是乃大肆九月三鳳結會民人廖貴章以廖漢庭廖捷庭入會首告署平樂府知府蘇勒芳阿平樂縣知縣陳昌時拘捷庭繫獄漢庭謀於三鳳何崧楊亞秀張八范連得諸人三鳳尤詭詐

股匪總錄

卷二

二

令陳章友楊亞秀尹世明張明富黃沈輝楊松孔大貴傅亞四王貴顯謝朝昇等分至各黨糾約起事漢庭偕何崧入城投首藉圖內應卽時詰獲三鳳率數百人集於野鴨塘觀音山十月三十日夜擁撲城下城中文武守禦嚴密擊斃甚衆擒三鳳等誅之時陽朔白沙墟土匪唐石頭牯葛良坤海九練老大劉子正羅大等將附三鳳於平樂未至而三鳳已擒十一月初二日潛至陽朔縣城西劫掠經知縣文滋盛派員知縣張致嶮擊退勢復蔓延巡撫鄭祖琛飭副將周濟成遊擊吉祥守備張士鈺知府張熙宇由臨桂

取道往朔臨桂之七塘陽朔之白沙荔浦之馬嶺以  
次收捕如海九練大周錦榮皆土匪大股也馳至平  
樂署知府許惇書副將伊農阿已將所屬之二塘野  
鴨石風水源觀音山各處安撫陳章友數十人伏誅  
閱二十日而蕺事竄伏永福修仁永安平南之間者  
悉捕殲之

股匪總錄

卷二

三

股匪總錄卷二  
三

會亞昌

溫大貨五

林北生

咸豐元年二月起六月止

會亞昌溫大貨五皆廣東廣<sub>隘</sub>縣人聚爲盜拒捕敗  
匿咸豐元年正月由開建逃入廣西乘懷集土匪黃  
顯珍之黨集詩洞竄徧賀縣城下退入八步踞鋪門  
墟知縣甯域都司郭維彪弗能克廣東參將丁振剛  
自潯州來援平樂都司周慶龍亦自梧州帶練至芳  
林擒殺頭目黃北養等二十餘人亞昌盡率其黨竄  
黃田里松廣東參將左忻肇慶知府蔡振武副將齊  
清阿至賀縣會剿三月初五日兩省兵練合圍於四  
面界齊清阿左忻郭維彪守備劉恩錫千總侯建祚  
股匪總錄

卷二

四

把總梁興富邱先源外委郭安戰死亞昌遂由懷集  
之梁村復竄廣<sub>隘</sub>之江谷屢敗逃匿高要廣<sub>隘</sub>交界  
之大播分股爲二五月大貨五匪大杉梅子尖肇慶  
官兵擒出伏誅亞昌竄回詩洞復經賀縣程家洞分  
黨范石年踞都江山田封川開建入廣<sub>隘</sub>六月匪扶  
溪寨之七星山廣東兵練追擊於清遠獲之七月石  
年竄入富川及金華廠團練盡殺之石牛一名亞美  
林北生初附亞昌見其屢敗潛至高要投蓮塘之謝  
才泰謝三興聚石台中六月聞亞昌被擒將出收  
餘黨適值高要四會廣<sub>隘</sub>兵練往剿石台宵遁入廣

宣旋入四會官兵失利遂竄懷集踞詩崗勢復大張  
掠懷集越梁村欲回踞大江墟遇廣東官兵於白牛  
崗大敗逐之團練復截擊散逸者過半悍黨多死北  
生由廣宣之芟寨逸去

股匪總錄

卷二

五

生由廣宣之芟寨逸去

宣大規殺之匪練對薄擊燒燬皆敵半悍黨多死北

生由廣宣之芟寨逸去

宣大規殺之匪練對薄擊燒燬皆敵半悍黨多死北

鄧正高 何登光 趙雄 陳永秀 黃金亮  
鄧興雀 陳志廣

鄧正高湖南祁陽縣人初附全州第一山王益元咸豐三年益元伏誅正高逸出與全州武舉蔣正三土匪鄧照龍平樂羅福生灌陽武生王世甲興安唐包子互相邀結四年八月與照龍唐魁結會於恭城牛尾洞先是五月朱勝紅竄擾恭城糾約土匪劉紹和等與陳永秀合股八月初四日陷恭城朱洪英周義林一股於閏七月屯平樂沙子街八月初一日至恭城西嶺秧家村適值正高竄恭城栗木遂相聯絡同股匪總錄

卷二

六

竄灌陽分掠村堡正高掠定剛隘崇順司巡檢婁秦防堵戰死偪城下把總潘勝榮死於馬渡橋城陷知縣鄧樹榮集團練進剿城中大股爭出回踞栗木正高一股由官塘入全州掠石塘墟澤沛田署知州蘇鳳文參將明順千總蔣俊敷擊敗回灌陽九月全州扶添啟聚黨於松山嶺欲由興安往應正高爲山寨司巡檢蒲晉昌所擒正高偪灌陽城下敗竄興安之漠川靈川之絲江羅福生與何登光自平樂來會轉竄興安知縣周謙光禦於茗田墟失利遂陷興安巡撫勞崇光飭楚勇義勇往會全州兵練爲援大克餘

匪合爲大股踞咸水界首十一月入塘村時湖南永州鎮總兵朱翰駐楚粵交界之黃沙河飭同知王鑫分兵助防署湖南東安知縣賴史直遣文童毛勃英率練來援廣西勇目林材盧爵帶壯勇自武昌撤回適至全州正高分路攻城壯勇先擊勝之退踞水南楚粵兵練分五隊出擊正高大奔復糾集土匪聚於花橋遊擊王海清祥瑛都司張心一同知恩齡至自桂林合於嚴家寨千總潘其泰以果勇突擊刺殺僞軍師黃升陣斬二千餘級進克花橋正高敗踞麻子渡分掠路口白沙由九塊田入恭城別有全州土匪

股匪總錄

卷二

七

唐兆熊由長萬鄉乘間潛襲全州擊敗與正高合股入平樂沙子街結恭城公義堂朱世雄汪三源奉太平天德僞號五年正月進踞西嶺分股陷富川知縣濟昌典史宋履元死之二月王鑫以楚勇來援麥嶺都司秦德種攻西門中礮死門者出奪屍兵練奮擊克復富川敗匪竄入灌陽知縣鄧樹榮出守文市城遂陷三月收復守備夏文龍陣亡正高與登先入平樂沙子街援恭城再入灌陽全州知州蘇鳳文督六鄉團練六千人大捷於馬渡橋登先與龍在田唐兆熊竄全州文塘過咸水劫西延奔入水南正高與唐

魁鄧照龍朱洪英周義林竄湖南零陵苦竹山陷東安踞之六月回竄全州登光自水南來會正高與唐魁在昇鄉投誠編入全州城勇鄧照龍盡率餘匪統於登光正高投誠未及二月爲果勇所殺

何登光恭城縣人與鄧正高皆遊匪初附平樂羅福生咸豐四年九月與福生合於正高竄陷興安事載正高錄中五年六月正高在昇鄉投誠登光繼領其衆七月收集東安股匪出四里洞過萬鄉攻新寧縣城擊退時有趙雄一股由新寧竄萬鄉遇於沙子坪千總唐應瑞擊之竄入灌陽文村登光分出麻子渡

股匪總錄

卷二

八

趙雄陷興安復合爲一適值鄧興雀陳志廣由大溶江敗入興安遂與趙雄合股同踞興安十月登光與唐兆熊鄧照龍蔣七仔密謀投誠登光照龍先一日至全州就撫事泄陳志廣殺兆熊七仔併收其衆統於陳永秀登光照龍編入全州勇目七年二月復叛知州蘇鳳文誅之併誅其黨唐秀成廖昌定周之德等三十餘人

趙雄平樂縣人遊匪之渠魁也楚粵兩省黨至數千咸豐五年八月竄湖南新寧縣合何登光爲一股折竄全州萬鄉爲千總唐應瑞擊敗登光分出麻子渡

雄入灌陽踞文村望月嶺各股遊匪皆下之東安首  
匪朱勝洪竄道州爲楚兵擊敗退入文村與雄合股  
黨三千餘人九月竄全州下坪田出興安之界首陷  
興安踞之與登光復合永福積匪鄧興雀陳志廣自  
大溶江敗竄興安皆附於雄登光出就撫城中賊首  
尙數十人頗相疑忌委員賀聯奎把總鄭忠統潮勇  
至全州協同知州蘇鳳文遊擊祥瑛王海清千總蔣  
俊馭興安典史沈士奎把總張啟勳武生俞當驍等  
進攻興安十月雄出竄唐家市臨桂團總陽之申曾  
繼孔外委蘇勝陣亡降勇鄧兆熊率所部奮擊大捷

股匪總錄

卷二

九

迨及麻子渡夜襲之再捷雄入興安湖南副將周雲  
耀千總左光藻帶兵會剿合營於全州州同楊培堃  
遺勇目李萬興謝揚選潛入興安值內關廣匪殺雄  
於文昌閣萬興揚選截其首以歸衆匪統於陳永秀  
陳永秀綽號滿庭科全州建鄉人性詭黠凶悍與弟  
永利乘亂爲流賊嘯聚恭城灌陽等處咸豐五年九  
月附趙雄陷踞興安十月雄死遂領其衆合於朱勝  
洪全州知州蘇鳳文會同湖南副將周雲耀攻興安  
永秀出奔灌陽鄧興雀陳志廣出高上田與永秀復  
合於灌陽之觀音閣將竄恭城代理知縣汪蔭桂把

總溫鵬飛過於定剛隘回灌陽由大荆源竄入湖南  
永明縣收復興安志廣爲官塘團練所殺十一月陷  
永明十二月陷江華縣六年正月復竄廣西掠麥嶺  
千總黃金亮叛從之陷富川焚各塘及龍歸回踞麥  
嶺時湖南公義堂朱洪英一股自江華敗竄富川糾  
各月塘土匪唐老四至麥嶺經果勇擊敗由灌陽敗  
入永明官兵擒洪英殺之永秀收集其黨與金亮分  
統之踞恭城北鄉開館於錫頭村七月竄灌陽踞觀  
音閣於文村商家坪等處列五營金亮居中營爲首  
永秀爲左營盧維新爲右營

平樂人

郭二嫂爲前營

股匪總錄

卷二

十

廖四嫂爲後營

皆廣東人

汪師帥率千人往黃牛寨

爲犄角宋國遇陳戊養等助之八月在恭城戰敗永  
秀欲就撫金亮扼之平樂知府招敬常遊擊祥瑛招  
撫恭城股匪五百人爲功勇與委員林偉暢所帶潮  
勇六百人由羅灣進剿十月竄出灌陽山棗司巡檢  
黃師宗團總黃建極陣亡於魯規山中十一月竄興  
安十二月城陷繼陷靈川七年正月金亮撲全州築  
土營於南北山隘踞飛鸞橋敗竄興安永秀分股由  
光華舖至全州署山角司巡檢駱元成千總蔣俊敷  
禦於板山都司秦冠鑣守備林才帶壯勇適至永秀

與金亮復合於興安二月大股出屯甘棠渡官兵失利陳戊養龔寶成分竄義隘金亮掠焦川西延州同董元熙候選知縣洗含章守備張貴和邊之永秀出靈川進踞茶亭皆集於龔家村偪至省城築土城七座以自固五月巡撫勞崇光飭遊擊郭承修知府陳瀚副將王海清參將陳之翰遊擊祥瑛攻破龔家村永秀大股奔靈川陳戊養龔寶成等奔義隘湖南巡撫賂秉章飭候選知府蔣益澧候選知縣段瑩器統湘勇來援次全州六月會合知州蘇鳳文數十戰皆捷進偪興安湖南候選知府江忠濬遊擊李篤勝帶

股匪總錄

卷二

十一

楚軍助剿時廣西兵勇由省城克復靈川永秀竄昭平金亮敗匿蘇橋旋奔永隘之三隍與宋國遇陳戊養等會於永福永福大股土匪皆集於雞石灣各股遊匪附之金亮因以爲巢自出興安踞城固守築土城於外永秀自昭平竄回七月楚粵官兵合灌陽知縣哈豐阿靈川知縣承恕合攻興安蔣益澧營牌樓山段瑩器營五里坪蘇鳳文營羊角山山多叢樹縱火焚之並克土城賊隊開南門出奔遂復興安敗賊分竄恭城戊養一股入柳州太平墟金亮入柳州府通於李文茂永秀入平樂時府城爲楊西庵廖心如

陷踞永秀遂入合股分踞二塘沙子街十一月蔣益  
澧攻克之收復平樂永秀走賀縣匿入廣東八年七  
月回竄昭平遣其弟永利

卽滿崽

回全州招黨爲署

知州凌昆捕獲永秀由七分山進踞洞心村昭平團  
首陸治畿平樂團首廖克龍張南磬等擊敗之掠洞  
心村踞蓮塘坪九月把總白任彩克蓮塘永秀入六  
獠山僅數百人九月署昭平知縣馮烈獲僞軍師羅  
亞秀以肅清聞永秀入太平山中十二月聚土匪數  
千由息木出踞恩來里十年正月擾永安及昭平與  
廣匪陳金剛相結時金剛踞賀縣蔓延昭平平樂等  
股匪總錄

卷二

七

處五月蔣益澧由平樂二塘陸路進剿飭縣丞吳先  
春都司周廷彩由水路分進永秀與盧海

卽盧維新

列營畫眉嶺官軍陣於樸全嶺大敗之追及銅鼓墟  
連戰皆捷永秀奔公會墟吳先春自水路來會遊擊  
劉樹元先入兵勇銳進殲僞兵部尙書安定侯王鼎  
新僞左翼都統平靖侯尤坤樹將軍黃明總兵何昌  
等三千餘級餘賊奔沙田附於陳金剛或云永秀隨  
金剛斃於廣東或云爲石達開作嚮導敗於賀縣之  
桂嶺爲石黨所殺

黃金亮全州人由行伍入平樂營叙功至千總咸豐

五年署麥嶺營都司六年正月陳永秀朱洪英等由湖南回竄富川掠麥嶺金亮與土匪林開苟叛從之陷富川焚各塘及龍歸出擾湖南之江華洪英爲楚兵擒誅金亮與永秀回踞麥嶺旋距恭城北鄉錫頭村自正月至十一月事皆詳永秀錄中十二月陷靈川踞之林開苟爲團總楊家棟所擒七年正月犯全州永秀過於板山金亮踞飛鸞橋築土營知州蘇鳳文大克之敗入興安與永秀合二月分路犯省城金亮出甘棠渡三月官軍失利都司松齡遊擊韓鳳陣亡金亮掠焦川爲西延州同董元熙候選知縣洗舍

股匪總錄

卷二

七

章守備張貴和所擊赴永秀於茶亭築土城七座五月永秀敗竄靈川六月竄昭平金亮分匿蘇橋奔永寧之三陞與宋國遇陳戊養等會於永福雞石灣結巢自固糾約股匪出踞興安永秀復自昭平來合戊養與金亮疑忌潛竄義寧過永福雜容入柳州太平墟七月克復興安永秀竄平樂金亮踞蘇橋通於艇匪李文茂自此與永秀遂分先是在麥嶺初叛奉石達開僞號太平天國竄義寧時稱太平天保至是入柳州府城稱龍城府說文茂招戊養俟其至殺之未果文茂送戊養於潯州艇匪陳寶復使圖之寶以宗

盟縱戍養回太平墟以殺死聞於文茂金亮信之改旂號平靖王八年春由雒容永福至臨桂蘇橋合於文茂犯省城二月出永寧提督奚應龍過於里旺之八寨三月出永福按察使蔣益澧擊敗於大灣四月文茂敗走金亮由龍勝入懷遠過斗江古宜馬平下融縣長安竄入貴州黎平九年石達開犯柳州金亮由三防回至東泉平頭等處附之分踞太平墟之五里村戍養聞金亮至圖報復圍所居數重縛金亮與弟黃二鳴鼓於衆而後殺之八月十二日也

鄧興雀湖南人寄居永福三隘村家素裕遊蕩無業

股匪總錄

卷二

古

里中無賴趨附之咸豐三年倡亂於毛洞東定山出劫陽朔之興坪墟及荔浦之木夕河義寧永福兩縣苦其猖獗附黃亞標攻永福縣城敗入雞石灣四年永福土匪蠡起皆與興雀互相勾結推爲大股三月擾羅錦墟團總陳麟昌禦於江北口獲龔章順王莫福粟老滿等興雀敗入林灣四月焚掠燕山陸洞杜塘周村等處七月與土匪德義堂陳亞義合股屯六塘聞兵勇將至旋分爲二亞義竄遇龍橋約六千餘人爲果勇擊敗入平樂興雀竄印山脚竹子背約五千餘人巡撫勞崇光檄委員陶昌培往剿大捷於劉

家莊九月出太平村竄蘇橋守備萬明魁擊退擄生員王度脅之降踞猴子山設三關山下環營以守極險峻屢攻不能下五年正月參將王海清捷於黃圖王度導入三關興雀自山後逸去官軍擒王度殺之興雀走永靈之三陞依土匪黃秀連李星葵七月結會匪李二嫂陸了頭等襲陷永福大掠而出九月復至代理永福知縣浦鑑擊退於五星橋竄義靈油蔴墟出臨桂蘇橋與陳志廣合股志廣由兩江墟出義靈敗於西坂村出守營渡與興雀會於靈川之七都興雀屯六都志廣劫易家村竄興安大溶江興雀繼

股匪總錄

卷二

五

至會合北渡副將王海清靈川知縣趙準團總廖煊伺其半渡擊之大捷時趙雄陷踞興安奔入城中與雄合股十月趙雄被殺股匪相疑忌各棄城走陳永秀朱勝洪出北路麻子渡興雀與志廣出南路高上兩欲爲舊巢經團練截擊於犁頭墟仍回北路附於滕洪竄灌陽出恭城志廣爲官塘團練所殺永秀勝洪回灌陽由大荆源竄入湖南永明興雀出龍虎關赴軍營投誠願入廖良祿賊巢謀爲內應事洩爲良祿所殺

陳志廣永福縣毛洞人咸豐初年爲遊匪竄擾永福

修仁荔浦之間四年四月與黃亞居陷踞荔浦十一月隨張高友犯省城五年七月與黎世經等設德義堂聚修仁之頭排附何晚

卽東莞晚

攻石墻敗竄橫

水入里冲旋附張高友陷荔浦分踞四排土匪羅亞苟賴亞昭謝任芳盧亞得鍾石保陳亞運黃接福等皆歸之以紅布包頭爲記稱紅包頭署修仁知縣張景美擊之竄水簾鹿寨出與鄧興雀合股張高友夥匪何四自鎮安分竄來會出義寧敗於西坂村出中營渡入靈川定江墟破易家村團總舉人易煥圖廩生易遵被監生易三錫從九職易有輝皆戰死出潞

股匪總錄

卷二

六

江爲團練擊敗奔大溶江與興雀合股將渡副將王海清署靈川知縣趙準截擊大敗之奔入興安合於趙雄十月雄被殺志廣併收其眾統於陳永秀合於朱勝洪時有會匪李二嫂陸了頭由永福義寧靈川至興安與志廣合股官軍攻興安先竄入永福鹿寨志廣與興雀出高上田附於勝洪竄灌陽出恭城十一月屯官塘團練擊之大捷將奔浦山志廣失道截於後團練縛殺之

陳亞求

咸豐二年七月起三年六月止

陳亞求廣東

人咸豐元年應募充東勇與莫亞

玉許七莫亞求萬維新彭九蔡亞成黃安兆等拔充  
勇目二年七月防堵廣西平樂龍虎關遣散回籍過  
恭城縣屬停爐大眼賊藪也土匪田馬五等相與邀  
結夜劫田樹芹家大掠而逸捕獲田馬五莫亞求等  
七人繫獄陳亞求逃去三年春潛回停爐大眼集土  
匪數百人謀劫獄遣黃安兆先入城中爲應署平樂  
知府向培芳檄恭城知縣高銀往捕亞求等出拒潛  
分百餘人踰城垣入五月二十四日夜破獄門劫諸  
股匪總錄

卷二

七

因去竄匿平樂之羅灣署平樂副將麻長慶飭守備  
余紹烈會同平樂知縣邵春卿截擊亞求竄入恭城  
秧家街蔓及龍虎關守備萬明魁馳赴平樂六月會  
合官兵團練連日進剿逼營陳家村擒陳亞求黃安  
兆斬夥匪黎正升等百餘級餘匪奔入湖南永明團  
練截殺幾盡

陳亞求廣東

人咸豐元年應募充東勇與莫亞

張高友

咸豐四年四月起  
同治元年十月止

張高友荔浦客戶原籍福建漳州人父向先充縣役  
道光三十年七月武緣土匪陳亞貴擾荔浦高友應  
募充壯丁拔勇目咸豐四年四月象州土匪黃金豹  
修仁土匪胡元隆竄荔浦高友潛與賊通假索餉叛  
去掠東鄉灘頭寨背栗木桂山諸村墟七月誘殺團  
總虞生潘元熙八月破天門巖殺男婦數百人九月  
逼平樂府城十一月勾結匪首陳志廣永安匪首王  
桂林與元隆金豹等會同陽朔叛匪竄撲省城至六  
塘爲果勇擊敗回竄荔浦五年正月團練進剿高友

股匪總錄

卷二

六

中礮傷脇遁入永安孺山適有桂平土匪吳亞金竄  
荔浦高友乘間出紮杜莫墟分踞馬蹄塘築土牆爲  
負嶠計四月兵練分三路進剿設伏於隘賊奔遇伏  
大敗高友冒死逸出石牆六年五月踞永福鹿寨結  
艇匪李文茂爲援六月屯洛垢遊擊韓鳳郭承修擊  
之九月入龍嶺十月轉竄江口糾結艇匪擾象州至  
排底七年正月元隆陷修仁高友率全股入石牆逼  
荔浦城下典史傅勛出禦陣亡知縣王康濟自職思  
堡集團練往剿連戰皆捷高友焚城宵遁五月復踞  
杜莫墟八月復逼荔浦城下分股襲破馬嶺墟署知

縣周啟華中傷次小青山十月大捷高友敗走永安  
之新墟土匪莫世埭應之署知州吳朝鳳截殺世埭  
堅壁清野高友無所掠十一月湖南都司左帶

勇由荔浦會攻新墟高友竄平南旋回永安八年六  
月由永安兼程竄逼荔浦破馬嶺中山正德等堡八  
月破白山輝平狗尾盤村十四日夜分股襲破蓮塘  
踞險以守是爲蓮塘老巢胡元隆踞修仁賁總晚踞  
永安相爲犄角總晚爲其黨所殺王桂林繼之破同  
安龍吉北斗龍瓜十一日連破西安義雄安吉高峯  
雄峯威遠龍頭河北九工都鳳銀屏墨靈十餘堡十

股匪總錄

卷二

九

二日復竄荔浦東破栗木擾及平樂九年二月襲破  
職思堡頭關分據馬蹄塘兵練進攻復頭關賊遁去  
十年二月破那福堡三月破太山堡八月破西粟堡  
十一月官兵剿蓮塘弗克十一年正月破大龍岸龍  
村高棍穿崖分股破懷安羅衣岔江三月分股出擾  
一撲東鄉破官巖紅巖天鵝紗帽一撲北鄉破長治  
堡踞之再分股下潘村獅堡下大地至三篁交椅逼  
近平樂府城知府方炳奎代理荔浦知縣黃逢年募  
勇飭武弁黃政球統之進剿三篁四月克復長治官  
巖分股復合傍擾小龍岸勝厄義敢諸處爲果勇擊



羅亞會咸豐四年六月起九年十月止

羅亞會卽羅嘉會賀縣役匪也咸豐四年六月率三千餘人由昭平英家村竄至賀縣鵝塘踞公會墟分撲龍虎關之新關坳石螺村團練至秧家村六嶺迎擲署平樂府招敬常督猺勇助之亞會敗入桃川糾桃川匪三千餘人復竄昭平之青塘墟至坡冲西坪北甲團總吳仁鳳以五百人敗之遂北至鳳律嶺亞會奔富川之白沙黃田移紮賀縣城外之水東街時有黃田役匪劉洪貴與劉洪德李連勝於閏七月突入白沙富川縣知縣潘昌統猺勇逐之奔麥嶺銅盤

股匪總錄

卷二

三

古樓團總宋光佩擒殺賊目湯日新大捷洪貴僅餘數百人奔公會墟赴亞會於白沙過賀縣因東安開建髮匪三千餘人分踞官潭舖門芙蓉等處來人劉十二黃新春周武義等導入懷集亞會將由舖門至懷集合股適遇梅亞新譚積亮千餘人由栗頭源紫羊頭鎮於是亞會洪貴皆至羊頭鎮合爲大股竄董家洞焚中都下都數十餘村凡昭平賀縣富川平樂連界村堡備極蹂躪四縣團練羣起攻之得數萬人連戰皆捷洪貴分出鍾山爲五源猺人所截憊甚遣繆金秀黃振龍分赴西鄉紅花墟劫掠九月團練縛

之並殺洪貴亞新一股亦旋潰散亞會遁入湖南至  
九年十月在湖南伏誅

股匪總錄

卷二

三



太平天國... 洪貴亞... 股匪... 湖南... 伏誅... 九年十月...

黃亞居

咸豐四年四月起五年三月止

黃亞居荔浦縣人咸豐四年四月劉亞益遣廖亞四蕭士貴招之同擾荔浦時亞益古三盛劉大四先陷修仁蕭士貴分擾花簣知縣王康濟出勦士貴於花簣亞益乘虛入城大掠康濟馳回亞益出拒於橋富塘敗竄修仁青山墟亞居與楊振明竄雞冠樑入栗木墟亞益古三盛糾宋四韋晚由高田三角冲逸去士貴亞四糾田金鳳黃海寬黃添送黃代義合於陳志廣留住荔浦北鄉亞居與羅中書黃劍鋒在栗木招黨欲撲平樂七月爲團練截擊擒陳亞才敗入石

股匪總錄

卷二

三

墟與青山墟宋光入沙子街平樂知縣邵議招撫廖亞四竄入平樂大扒峩眉適與亞居合股竄永安橋頭墟土匪潘亞頭糾寨沙郭安太應之撲杜莫村踞高岡亞益一股與韋晚覃老必劉廣福四張英何晚劉大四竄四排入永福至西江尾亞益爲知縣洪運昌擒誅夫四等附入東莞晚亞居亞四莫玉成韓二竄入文墟荔浦革生黃澤寬請於右江道張敬修具狀保廖亞四古晚黃亞居投誠亞四古晚入見皆戮之並戮澤寬平樂知府招敬常督勦修荔股匪亞居與永安石朝龍相結大敗朝龍匿入猺山亞居與羅



李良平樂

咸豐五年五月  
起七年十月止

李良平樂沙子街人咸豐五年五月倡立洪興堂稱

兵馬大元帥與廣福堂林晚麥來同擾恭城陽朔兩

縣招散匪數千人分立五營三十六館平樂股匪奉

爲盟長與同里楊秀全

卽楊西庵

尤相結知府招敬

常知縣倪濤合營弁剿之團練齊至李良退入大涼

村竄香花山官兵再捷匿入叢木山擒總管陳亞耀

羣匪分逸李良爲團兵所殺林晚逃匿深林中獲其

僞軍師林仕清百長謝長五餘匪竄府城對河蔣家

村倪濤與都司陳玉發逐之擒先鋒陳三楊秀全盡

股匪總錄

卷二

五

收其衆踞沙子街稱連義堂

楊秀全楊新安楊西安一人也西安尤著名咸豐初

年平樂土匪以堂稱者最衆西安梟悍與諸堂爲伍

四年十月守備萬明魁解散恭城北鄉之被土匪逼

脅者移營豸遊村次及東西兩鄉時安義堂許英公

義堂朱盛洪踞秧家村招廣匪劉贊成劉貴秀潛結

武生余覲文廩生常振乾會合順義廣義各堂匪竄

踞西嶺約萬餘人皆著紅巾萬明魁督團練進剿至

龍江口擒殺僞先鋒韋昌和賊目蔣四劉大進至白

洋常震乾說楊西安踞黃埠以拒官兵於是廣義洪

順從義順義皆歸連義爲一大股十二月山源紳團  
隨萬明魁合攻黃埠擒震乾西安先築柵三門堡而  
後分五股出敵大敗各堂散逸西安回匿沙子街六  
年正月全州陳永秀入富川掠麥嶺西安與合福堂  
往會同陷富川列五營一在恭城之北鄉自是與永  
秀合黨回踞沙子街游匪何四吳聽添萬猪仔萬楓  
張隴祥紛擾平樂境內附西安爲米飯主七年二月  
知府招敬常知縣華元超捕獲何四吳聽添萬猪仔  
萬楓正法西安與隴祥逸出逃入永福雞石灣糾廖  
心如謀復仇時散勇萬豐附心如因與偕四月由羅

股匪總錄

卷二

三

錦墟回平樂五月寇沙子街據之招敬常華元超率  
文武官屬督紳民守陴初八日城陷元超被殺見昭  
忠錄六月湖南候選知府蔣益澧知縣段瑩器統湘  
軍至全州會合知州蘇鳳文攻興安候選知府江忠  
濬統楚軍來援克復興安陳永秀竄恭城栗木墟入  
平樂沙子街與西安會相結識遂合股永秀踞二塘  
沙子街西安入踞府城官軍由興安進剿平樂參將  
黃清守備陶茂鳳縱反間西安殺隴祥八月攻克沙  
子街栗木之賊亦至平樂合股九月蔣益澧江忠濬  
自恭城進遊擊彭玉山胡顯高由荆山進賊營盡毀

悉入府城十月朔湘軍建浮橋攻克二塘初三日大捷顯高傷矛者十三處越日江忠濬李篤勝黃輔鼎左光藻盡毀賊卡越四日攻城段瑩器中礮洞掌力戰軍聲大振圍攻無間西安困甚糧且盡遣其黨秘至瑩器營中投誠瑩器請於湘軍統領約期受降至中途統領正其罪誅之先是西安有私人爲瑩器營中羨卒西安因之以乞撫瑩器幾不能自白全州蘇鳳文知其事力解於當事乃釋然西安既死其弟亦固守永秀出奔賀縣城中糧竭餘匪無統攝將潰官軍攻克之諸堂匪以次削平

股匪總錄

卷二

七

李苟挽

同治九年六月起九月止

李苟挽平樂人拳頭會匪也初行劫漸聚眾同治九年六月平樂知縣姚潤之捕置諸獄待鞠其黨之後獲者逸匪匿入恭城蓮花墟與平樂之二塘湖洋鄰也二塘土匪謝挽聞苟挽被獲恐及己將遁而逸匪適至遂謀劫平樂以出苟挽於獄適有廖豹生者亦苟挽黨聚數百人將劫二塘息於藤帽歲黃豆歲當蓮花墟二塘之中團總伍開志亟以聞八月二十日殺苟挽是夜二塘火逸焚屋眾譁為逸匪所為頗驚懼城中戒嚴各鄉團齊集賊亦還散獲豹生等十五

股匪總錄

卷二

天

人遊擊林才率林勇至自省城道出恭城冬熱嶺獲

劉亞寬與豹生等悉置之法

李苟挽平樂人拳頭會匪也初行劫漸聚眾同治九年六月平樂知縣姚潤之捕置諸獄待鞠其黨之後獲者逸匪匿入恭城蓮花墟與平樂之二塘湖洋鄰也二塘土匪謝挽聞苟挽被獲恐及己將遁而逸匪適至遂謀劫平樂以出苟挽於獄適有廖豹生者亦苟挽黨聚數百人將劫二塘息於藤帽歲黃豆歲當蓮花墟二塘之中團總伍開志亟以聞八月二十日殺苟挽是夜二塘火逸焚屋眾譁為逸匪所為頗驚懼城中戒嚴各鄉團齊集賊亦還散獲豹生等十五

股匪總錄卷三

梧州府

何明科 梁二十大

張釗 田芳

梁亞長 關福 任文丙

何晚

梁培友 陳開 李文茂

馮六

范亞音

麥亞星

股匪總錄

卷三

羅華觀 潘庸

陳金剛 陳豆皮大

鄧勝知

霍十八 蒙五 張庭喜

何晚

梁亞長 關福 任文丙

張釗 田芳

何明科 梁二十大

梧州府

何明科

梁二十大

道光三十年十月起  
咸豐元年九月止

何明科廣東信宜縣安鷺嶺人道光三十年冬與弟明招明怡分糾夥黨在茂名等處搶劫元年春掠廣西容縣之一里罄所有而還夏五月夥結北流土匪梁二十大擾及鬱林之大塘煙村築巢自守遣明怡竄入岑溪時有容縣土匪梁騰雲鍾宣化馮東球聚岑溪之六阿山中蔣出爲應明怡及汶水墟知縣張永鎰擊退因捕獲宣化東球燬其巢明科分遣頭目廖大陳亞木等竄容縣之靈山號稱同義堂知縣韓彥章擒大與亞木殺之六月明科遣明招明怡率大股犯容縣結梁二十大來助猖甚城幾陷欽差大臣李星沅巡撫周天爵檄前鹽法道林士傅往援陣斬僞先鋒陳二十大麥亞二等數十人進剿安鷺嶺殲擒幾盡明科走信宜之六久二十大走貴縣竄鬱林踞北流之新墟勢復張明科欲出陸川北流爲鬱林知州顧諧庚北流知縣阮正惠截擊八月仍合爲一竄入懷鄉二十大先被團練擒誅明科率明招明怡並梁十八等逃入賁縣之雷村新定九月鬱林團練羅啟甲誘明科執之餘匪逃出獨石者皆被殺與弟

股匪總錄

卷三

二

何明科

梁二十大

咸豐元年十月起  
咸豐元年九月止

張鈞

田芳

道光二十八年起  
咸豐三年七月止

張鈞綽號大頭羊田芳綽號大鯉魚皆廣東鶴山縣人波山船水手也往來潯柳河道甚習道光二十八年歲月結任文炳等駕波山船橫行河上先擾廣東之三水封川遂逆流而上由梧而潯而柳旁及沿河村墟皆被蹂躪三十年八月至金田洪秀全欲留之時秀全將往潯州招集諸匪黨會於金田鈞藹之出就思恩知府劉繼祖撫率礮船隨繼祖泊武宣勒馬灘邊秀全秀全故不能至潯州咸豐二年三月秀全犯省城鈞督礮船與田芳等由陽朔溯流來會官兵

股匪總錄

卷三

三

因賊夾擊不能至泊鬪雞山下解嚴後遣散壯勇六月有散壯千餘人執洪順堂旗肆擾平樂沙子街猖甚知府舒津平樂知縣聯凱正籌守禦適聞田芳偕陳鏞率百餘人至自言由道州遣散來願圖報効舒津因留之增募五百人以擊沙子街堂匪嗣隨官軍屢次獲勝陰結匪黨劫掠行旅分踞戎墟大黃江等處爲害尤甚三年七月張鈞至容縣自良墟爲團練格殺田芳統率扒船雄踞梧州三角嘴與諸匪艇聲氣聯絡署梧州知府陳瑞芝嚴爲之備瑞芝子登仕年少善戰芳憚之同知褚汝航督辦潯梧緝捕事首

民侯志亦釗黨也先投誠入撫勇隊中隨汝航來梧  
引芳入見願殺賊自贖因隸部下與陸盈陳義分率  
所部聽調遣漸復其舊桀驁幾不可制七月汝航自  
率香山壯勇鄭蘭等巡視河灘礮船豫伏潮勇於岸  
二十一日就酒艇中擒縛侯志田芳數其罪戮之

股匪總錄

卷三

四

二十一日  
中餘縣志田芳燬其罪戮之  
等滋匪可議婚繼漸次斷良俗  
其善業蕩然不可歸少民好就  
自焚入  
只恐志衣險黨也去時賊人盡良劑中討好就來

梁亞長

關福

任文炳

咸豐二年六月起十二月止

梁亞長

卽西南長

關福任文炳皆波山艇匪也初道

光二十六年桂平李觀保糾任文炳劉亞烏陳亞貴劫掠潯江爲艇匪之始二十八年九月艇匪羅亞丙千餘人劫大烏三十年八月任文炳結艇匪二千餘人掠平南是時潯梧二府沿江劫殺水道不通其著名大股自咸豐二年正月梁亞長關福任文炳始突至梧關守者不能禦駛下烏江橫列中流環置巨礮肆行焚劫奪溶潭虎勇礮船入潯州劫獄囚大掠而出復泊梧州之戎墟貨客泊船無得免者初至艇九股匪總錄

卷三

五

隻人數百至是艇五百餘人萬餘矣張釗

卽大頭羊

與羅亞丙乘波山船千餘人別爲一股使僞先鋒吳結鳳通於任文炳蒼梧知縣張汝瀛捕殺結鳳張釗旋就撫亞丙糾六千餘人泊大黃江將回掠廣東先至戎墟合股四月亞長分關福一股掠象州與梁培友鬪後與培友合於三角嘴自梧州至潯州可以指數者覃七黃十一黎軟竄夏蘆墟廖社養竄覃敢墟楊亞華竄下灣墟宋亞庭

綽號三千槲

何亞幅梁亞

浩黃廣運往來游弋何亞烏四胡亞金張運得劉大隻四陳掄元等竄踞大黃江石嘴墟分佈陸路之官

洲穆樂馬坡社坡等處梁培友爲水路總管統攝羣  
匪亞長一股有衆四千餘人泊戎墟以攻梧州結諸  
股匪爲援六月兩廣總督徐廣縉率高廉道沈棣輝  
副將崔大同統水陸兵勇駐梧州適艇匪陷貴縣廣  
西左江道楊彤如駐潯州知永安州城存有三千觔  
大炮調取赴潯運至平南平南縣倪濤聞匪艇駛下  
亟將炮三口運至梧州徐廣縉卽飭水師安置拖罟  
炮船未幾匪船麇聚於長洲與梧州相望廣縉飭拖  
罟以大炮擊之碎其數船賊懼返棹值東南風大作  
官軍舟進甚急賊遂自焚其舟登岸逃擒戮四千餘

股匪總錄

卷三

六

人當時謂用兵以來殺賊未有如是快意者逃逸之  
李亞福任亞閩李亞六等皆以次就獲惟文炳隻身  
逸去不知所終嗣後培友爲艇匪大股事詳培友錄

中報缺三日戰至部俄翁黃深暗殺水師安置罟

大敵隨軍使戰至平南平南縣成勳聞匪蹤趕平

西去耳前賊浪賊艇斬賊喉衣楚俄越奔三干賊

編隊大回赫水擊兵員退賊賊匪聞貴縣賊

匪亞長一眾奔來四千餘人前次賊及文亞賊賊

而亞長一眾奔來四千餘人前次賊及文亞賊賊

而亞長一眾奔來四千餘人前次賊及文亞賊賊

何晚

咸豐三年九月起六年二月止

袁州袁未次陸鳳詠四

何晚卽何滿廣東東莞縣人故綽號東莞晚咸豐二年充東勇隨營至廣西出師柳慶之間三年九月與柳城張英同叛竄修仁荔浦時土匪外匪千餘股互相聯絡何晚初合張英屯洛垢欲攻雒容爲知縣楊毓麟所拒張英走柳城對河墟何晚結何亞烏四胡亞金竄修仁石牆爲荔浦知縣王康濟所敗陷富川適有謝亞三莫祥泰等數千人由栗木竄恭城爲圍總陸士元擊之附何晚入修仁四年三月糾諸股匪攻象州敗退結黃蒜頭四

卽陳鏐

由大黃江攻思旺

股匪總錄

卷三

七

墟過平南爲知縣李載文所截擒僞先鋒陳昌發殺賊幾盡陳掄元一股由明化敗過藤縣何晚招之衆復聚五月藤縣土匪黃桂林糾約何晚蒜頭四陳東江攻永安水竇知州羅福臬擊退於黃村張英胡亞金亦爲團練所截敗遁入黃村合股初駱四吳長腰四朱亞苟皆何晚悍黨駱四傷斃吳彩投誠朱亞苟卽朱良遠復就柳州府李承恩招撫使攻何晚晚數敗六月糾吳亞經張鈞得由武宣良村陷象州訓導白杰貢生林嶽培羅禹颺被害知州盧承薰戰守四晝夜殺賊數百適遇武宣韋晚覃老必劉廣福四由



梁培友六陳開

李文茂

咸豐四年五月起  
十一年二月止

梁培友廣東鶴山縣人自道光末年咸豐初年廣東艇匪劫掠潯梧道中行旅戒嚴培友與區潤馮劍吳坤等駕扒船稱大利號包送客貨屢敗艇匪其先亦大鯉魚之黨二年四月艇匪偪象州兵練往援培友適至因夾擊大捷遂至白崖再捷培友名大著或爲官軍應援其時尙就羈縻也羣匪互相鬪時爲報復多附從又收大鯉魚餘黨假右江道與潯州府巡緝旗幟四年五月襲踞潭村試用府經歷程承芳被害署潯州府劉體舒署梧州府陳瑞芝統潮勇失利培

股匪總錄

卷三

九

友進踞戎墟偪城下時廣東之南番東莞順德香山廣西之潯梧兩府屬股匪皆附之水陸分踞培友稱總管是爲鶴山艇匪大股之始知府陳瑞芝蒼梧知縣陳慶桂署梧州參將蔣福長固守瑞芝子登仕能軍善戰統潮勇營城外圍解培友分黨竄入藤縣自踞三角嘴亟攻城廣東股匪關亞巨黃定遠波山艇匪以鯉魚仔之黨來會於是結三合會稱洪兵閏七月初五日官軍失利從九何植光譚伯福太平土州州同廣壽蒼梧巡檢張寶麟陣亡八月分竄藤縣一股結土匪馮六唐九羅華觀羅亞丙等十一日陷藤

縣知縣翟登襄典史冉正棠死之委員知府劉繼祖  
及於難巡撫勞崇光飭右江道張敬修赴援十月培  
友敗於鎖龍橋出封川竄回德慶州與鶴山李文茂  
佛山陳開肇慶伍百吉田鯉魚仔吳超李容等合股  
入踞肇慶府城稱平粵侯敬修馳至肇慶將會廣東  
官軍圖克復五年四月培友過悅城出封川復竄梧  
州是爲陳開李文茂入廣西之始泊三角嘴瑞芝與  
福長出禦敬修自肇慶適至登仕統潮勇繼進水師  
大捷培友陳開文茂合股竄藤縣過平南知縣李載  
文截擊竄潯州圍九十餘日八月城陷知府劉體舒  
股匪總錄

卷三

十

署桂平知縣李慶福卸署桂平知縣舒樺府經歷宣  
元煊典史沈廉從九馮鎔卸署貴縣典史周濤死之  
繼陷貴縣土匪黃全義迎之十月破桂平盤石村竄  
平南屢爲載文所敗十二月屯大黃江號稱數萬人  
六年正月提督惠慶駐濛墟以扼陸路署右江道黃  
輔相統水師駐武宣爲犄角知縣茅本蕙執法嚴水  
勇忌之何松年者新降於輔相與何維杜洪不相能  
培友潛結維洪假圖松年以及輔相三月陷武宣殺  
松年署副將福格外委吳錦蘭鬪死鬻本蕙而銅輔  
相於區潤舟中不食九日死四月結土匪吳大脚三

破象州爲遊擊韓鳳擊敗其悍黨覃七黃十一何亞  
烏四李容李朝安等先後被獲分遣李發和尙能於  
貴縣梁大口昌伍百吉於大黃江五月分竄柳州培  
友自運江攻平南招永淳獯匪李七同集於秀水嶺  
廣東知府謝邦瑞千總柯維陣亡水師潰六月踞平  
田官軍營於古雍爲所襲把總呂耀文貢生傅揚清  
傅揚芬吳國霖被戕載文傷足力疾堅守間出戰皆  
捷圍攻七十餘日糧絕援弗至兩甚千總方源開城  
門出逸城遂陷參將會建相張遇清都司唐文燦守  
備張彪外委張珽巷戰死嚮載文慘尤甚培友陷潯  
股匪總錄

卷三

州欲逕趨梧州畏載文且屢爲所敗故切恨也九月  
擾藤縣大掠復合於梧州培友爲水路總管文茂爲  
陸路總管僞公侯元帥司馬頭目不一號十月文茂  
稱平靖王竄柳州陳開稱鎮南王易平潯王踞潯州  
培友稱平東王踞平南區潤稱平西王與梁大口昌  
分屯大黃江七年三月大坡匪攻廖洞培友自平南  
大烏墟來會團練擊之中礮死陳開領其眾  
陳開廣東佛山鎮人駕船爲業咸豐四年六月與李  
文茂同時倡亂踞佛山鎮破德慶州梁培友自廣西  
敗竄廣東合爲一股陷肇慶官軍擊之五年四月始

入廣西泊梧州之三角嘴事詳培友錄中八月陷潯  
州踞之建偽號曰大成改桂平縣爲秀水縣平南縣  
爲武城縣貴縣爲懷城縣鑄錢文曰洪德通寶郭外  
築土城二道以自固分股擾貴縣平南武宣象州至  
柳州土匪韋竹塘三覃亞見謝亞仁姚新昌莫肥七  
陳成煥鄭水通等著名大股皆與聯合竄桂平之大  
坡訓導胡慶麟遇害六年冬稱平潯王七年三月培  
友伏誅繼領其衆閏五月竄梧州據三角嘴八月

日陷梧州府城代理蒼梧縣事典史王錫惠副將蔣  
福長自焚督辦軍務按察使黃鐘音死於戎墟學政

股匪總錄

卷三

十一

沈炳垣暨委員十餘人皆及於難八年二月竄昭平  
至永安合藤縣股匪聯結於三月駛至平樂陽朔交  
界之季魚塘將犯省城時李文茂已踞柳州竄至臨  
桂之蘇橋省城戒嚴按察使蔣益澧駐蘇橋飭都司  
陳友勝守備張維德何南杰知縣蔣澤春等馳赴平  
樂以遏陳開四月開退梧州陳瑞芝募潮勇會同廣  
東提督崑壽統軍由德慶擒斬梁阿三李發李明等  
克復梧州開退踞戎墟聞李文茂伏誅蔣益澧往剿  
陳金剛於賀縣馳踞柳州府城設僞元帥馮添善僞  
將軍李火秀僞知縣王山公居守收文茂餘黨分守

柳城融縣九年春羅華觀約竄戎墟都司陳福昌遇害旋爲崑壽擊敗退人和墟十年正月布政使劉長佑左江道蘇鳳文記名總兵李明惠蕭榮芳程國彥卽選道劉坤一克復柳州府城擒殺馮添喜等並崔倡梁慶數百人柳城融縣潰賊爲委員楊毓麟截殺東泉鎮巡檢何步青收復柳城卽代理縣事餘黨竄結太平土匪陳戊養廖明盛爲一股蔣益澧旣剿平賀縣股匪卽進攻人和墟羅華觀奔潰至潯州與陳開合股易名羅祿十一年劉坤一由柳州進克象武開遣頭目虎頭仔張大口張三迎拒楚軍三戰皆捷

股匪總錄

卷三

三

進徇潯州五月蔣益澧督湘軍敗賊於戎墟復藤縣又敗賊於濛江六月進攻平南之川三里署知縣何謹順率團總關天球陳履貞暨平勇八百人從剿七月廣東碣石鎮總兵官李揚陞以舟師來會開遣頭目李發羅祿周羣英陳曙良等悉水陸各賊扼要死拒十四日蔣益澧李揚陞分督各軍大戰於丹竹又戰於烏江口賊衆大敗盡奪其船隻礮械擒斬三千餘人溺斃以萬計遊擊王佐朝守備張先富外委鄧新鑑陣亡乘勝逐北桂平團總李春三高翰導師抵城下遂復潯州僞大學士黃姓自縊擒僞將軍府尹

等戮之開逸出赴石達開於大墟聞湘軍將至石達開遁入思恩境內開進退無據將會黃全義黃三於貴縣至大灘知縣陳璠團總賴聯桂計擒之並其黨張安陳見成等縛至郡城磔於市

李文茂廣東鶴山人初爲優後與陳開合黨破德慶踞佛山鎮破肇慶咸豐五年四月因梁培友入廣西梧州八月陷潯州分踞平南之雁塘堡六年四月破象州六月分黨掠來賓之白沙知縣方思訓固守城得全回竄雁塘堡結自良股匪馮六羅華觀等劫賓冢司阻平南糧道八月攻平南遣李亞可結永安土匪

股匪總錄

卷三

十四

匪莫世旭出思旺截官軍後援因攻永安州城團練擊退擒亞可等餘匪竄貴縣知有備而還九月文茂率大股出象州入柳河撲柳州府城潛結張高友使踞永福之鹿寨出雜容擾洛垢牽制官軍把總璩勉仁陣亡巡撫勞崇光飭署右江道孫蒙參將湯遇珍遊擊郭承修千總韓壽會合遊擊韓鳳與雜容知縣李聲佩夾擊高友敗出雜容江口合陸路匪黨集於白沙署右江道張凱嵩營於二都提督惠慶統署潯州知府張鵬萬副將明順自石隴馳回柳州與凱嵩合軍韓鳳奉檄統三千人守城文茂屢敗乃回潯州

十月統大隊復至水陸連數十里七年正月惠慶檄韓鳳出擊自爲殿因縱擊之文茂大潰官軍復振鳳驕而貪梗惠慶節制二月城中糧盡千總馬文滔從九李寅賓李勝龍柯連生陣亡二十日韓鳳突圍出門啟奔者大亂隍盡滿城陷署右江道孫蒙代理柳州府志曾署馬平知縣倪韶書典史孟如峯署象州北慶鏞代理來賓知縣方思訓龍門巡檢徐殿英參將湯遇珍遊擊常興貴陞都司袁開勝守備袁正朝千總會承恩皆死之是時潯州艇匪李文茂爲首武宣游匪何維陳保柳州遊匪張彪土匪張應標爲附

股匪總錄

卷三

五

九年正月之捷孫蒙歸功於韓鳳鳳果如惠慶約力足以禦文茂孫蒙素得民心相誓死守鳳不棄城出未必卽陷也旣陷文茂自居守分股擾羅城掠柳城六月結陳戊養破長安鎮戕團總吳守清破融縣改玉融州設僞官陳安泰陳洪韜佐戊養爲城守九月陷慶遠府城以張彪爲都督梁勝爲知府雷公長黃池爲元師葉兆隆爲軍師胡汝安三角眼盧京榮顧巖杜成鳳爲將軍林三周金聲爲先鋒梁就成爲參將李儉爲知縣鄧四爲巡檢與果信君馮天善等掠清流襲思管屯太坪柳慶二府蔓延殆徧十二月上

竄永福臨桂之八塘八年正月至蘇橋二月千總潘  
正萬龍光臨守備陽勝元把總羅廣源陣亡三月陳  
開至季魚塘與文茂僅隔陽朔一縣長安首匪梁三  
由永<sub>宜</sub>之三隍約義<sub>宜</sub>土匪李華全赴文茂於省門  
在義<sub>宜</sub>被擒四月按察使蔣益澧統湘軍駐蘇橋分  
兵遏陳開自赴四塘大埠潘其泰率果勇大捷文茂  
傷與廖明盛敗退永福之雞石灣賊藪也巨匪武舉  
廖廷魁廖亞烏等迎之五月梁勇克雞石灣進攻雜  
容文茂奔洛垢守備張維德張洪勝陣亡進克鷓鴣  
山十四日克復柳州府城文茂逸出奔柳州知府潘  
股匪總錄

卷三

六

家馥收復柳城文茂奔融縣移克柳城之師復融縣  
文茂率餘匪奔貴州黎平水師守備劉茂盛周光普  
文生陶望齡陣亡七月蔣益澧與張凱嵩合兵水陸  
進剿收復慶遠府城擒僞都督張彪等悉誅之潯州  
艇匪上竄將及柳州八月益澧回師攻一都參將謝  
年豐陣亡張彪餘匪雷大孽陸洸組鄧成等附於忻  
城土匪李亞科竄伏永順土司之喇利九月討平之  
文茂逃入黎平欲入苗黨爲黔兵擊敗十月回竄柳  
城融縣匿懷遠老堡溶江旋斃於懷遠山中餘匪附  
入太坪陳戊養歸於陳開十年十一月戊養廖明盛



馮六

咸豐三年二月起  
同治二年八月止

縣史稿卷之六

馮六名道和容縣自良墟人與馮戴興戴承玉山

馮

驥開三合族居皆無賴初與同里李振業黃正本結

東匪陸亞昌包送客船聚黨日衆遂踞自良墟時自

良土匪已十餘股與藤縣蒼梧平南昭平各股匪互

相糾結馮六一股爲最自道光末年至咸豐初年積

不能平三年二月分擾藤縣蒼梧劫沿河貨船頭目

陳凝邦廖正才爲團練擒殺因約昭平五將塘土匪

圖報復官兵失利岑溪團練合博勇擊勝之退回自

良五月周蓉一股竄岑溪曾子洞知縣周祐殺蓉於

股匪總錄

卷三

六

西平村竇家司巡檢張象吉捕獲翁亞爛二盧加興  
等容縣團練獲梁大口三其餘匪入平南覃亞兒晚  
股內皆歸馮六十二月竄岑溪之曇容分遣赭龍二  
擾藤縣知縣程登峩擊退合黃維龍一股竄岑溪樟  
木墟旋入藤縣糯崗兵練逐至獲黃標梁正等數十  
人四年春赭龍二結土匪徐亞孔犯藤縣登峩誅亞  
孔赭龍二敗入曇容合股竄懷集冷水村擾及鳳岡  
夏馮六與戴九范亞音陷容縣踞之七月東匪雷亞  
恩王亞豪豆皮均廖大頭寅等因土匪李公培通縣  
役涂坤一爲內應陷懷集知縣史勳教諭何元崇訓

導龍恩寵守備李定邦幕友從九品許志章死之八月梁培友由梧江上竄結蒙江土匪唐九攻撲藤縣馮六與戴九羅亞丙應之城陷知縣程登峩委員知府劉繼祖典史冉正棠登峩子襄采幕友魯蘭生李爲棟皆遇害培友遣東匪關福泊船牛皮灣代理藤縣知縣雷保初擒殺關福十月官軍收復懷集十二月收復藤縣馮六回自良墟復聚股匪數千人踞黃鑿村分竄富洞新車塘等處團練截擊擒殺林彩清盧西照等旋竄藤縣潘洞頭目蕭亞六李勝等先後被擒廣東艇匪之泊北流河岸者擾賣家司及自良

股匪總錄

卷三

九

墟與馮六猜忌竄去富洞首匪岑昭仁亦經擊敗於龜背嶺馮六與戴九攻都蒙村頭目梁逢德朱惠英僞都督劉六僞先鋒區桂輪黎雲祥等皆被殺遂合入豆皮昌股內勢復大張分爲兩股一竄糯崗一竄歸義鄉謝村皆爲團練擊敗獲陳金花區超張明顯等馮六又合平南黎大竄藤縣之甘村潘崗五年十月踞容縣扶昨村團練合擊獲僞軍師馮玉山覃亞兒晚等馮六附入東匪黃定遠溫益糾合區潤關亞巨吳釗隨梁培友犯梧州培友敗走馮六合范亞音戴九盤踞容縣事載亞音錄中至同治二年八月克



范亞音

咸豐四年四月起同治二年十一月止

范亞音容縣人自良墟股匪之一也初附馮六戴九

咸豐四年夏陷容縣亞音踞城設僞官以馮驥即馮玉山

姚新昌爲軍師新昌棄去就潯州李文茂十一月遣

僞先鋒陳國政潛入鬱林州茂林甲將襲州城先約

土匪楊亞壬爲應國政失道被擒亞壬率凌單眼劫

北流隆盛墟走歸亞音自元年以後鬱林一屬土匪

外匪紛擾悉徧兵練防剿無虛日故亞音得久踞縣

城七年正月犯北流知縣蕭焯典史施沅堅壁守雙

威寨巡檢黎源營城外前湖南石門縣知縣李敏賜

股匪總錄

卷三

三

馳至鬱林得博勇一千二百名來援圍解越七日亞

音合潯州李文茂並土匪二萬餘人亟攻城二月初

七日發地礮城崩遂入前慶遠都司葉上雄震死邑

紳進士梁宗敏舉人周維鑒等居民從以徇在百數

十人執焯與沅錮廟中自是鬱林以東土匪蠡起東

道不通鬱林知州劉德鈞飭博白知縣鄒德潤往剿

閏五月朔大捷亞音殺沅於廟盡運其輜重回容縣

昇焯於容縣之五里橋慘殺之自與土匪居守北流

改縣城爲桐州府以楊朝樞爲知府號召諸股匪時

廣東北江陳金剛破賀縣踞高州黃三踞貴縣與亞

音結爲犄角八月德潤協同署北流知縣江汝霖擊  
斃賊目曾晚羅金等收復被脅村寨九月亞音出屯  
木棉坡勇目李志生乘其未集而薄之殺數十人大  
奔越日再出把總李呈恂逐去之八年二月分股掠  
平政墟縱橫數十里爲代理北流知縣黎源擊敗五  
月署鬱林知州鄒德潤署北流知縣江汝霖署陸川  
知縣覃遠璫大集壯練會營城下六月初七日收復  
北流縣城亞音逸出九月竄回容縣夜劫西山墟兵  
勇幾爲所敗楊朝樞宵遁築桐州府寨以自固九年  
六月鬱林五屬兵練攻克西山墟朝樞逸去九月進  
股匪總錄

卷三

三

攻容縣營於草鞋坡弗利退守西山墟十年四月增  
募壯勇由北流取道分進八月亞音夜劫西山墟營  
壘盡失繼陷旺芝塘黎源戰死德潤回守城賊隊尾  
之環攻危甚鬱林團練總局募勇來援陸川博白援  
師相繼至戰皆捷地道火發城崩者再能守故得全  
閱三旬兵練益賈勇賊亦屢敗力竭宵遁圍解亞音  
全股回踞容縣十一年分黨與撫康馬大福大洋謝  
四垌心姚新昌貴縣覃七黃十一北底甘雨霖張亞  
金等合股屢陷村寨同治元年二月遣賊目曾五附  
山巷塘梁老慶攻蒲塘陷石山坡踞蒲塘五月官兵

克蒲塘老慶敗回山巷塘曾五回容縣九月署知州  
王達材克山巷塘老慶走出餘匪盡歸亞音十月糾  
合信宜股匪竄入北流署知縣王恩培禦之達材與  
在籍廣東試用道呂錫藩湖南知府鍾慶魁紳士朱  
德怡等率練往援大捷者三盡燬旺芝各寨賊巢北  
流以肅清聞亞音敗回容縣結陳金剛以爲外援二  
年三月復遣曾五附姚新昌攻陷蒲塘六月候選道  
蔣澤春取道鬱林進攻容縣亞音重賂信宜股匪僞  
元帥鄭金徐祖貴黃之輩求援分紮古兆七月擊敗  
擒長髮老賊莫高等亞音漸窮蹙於草鞋坡塘村立  
股匪總錄

卷三

三

垌綠崖嶺古寨各要隘築壘數十八月盡攻克之亞  
音率衆入城中官兵環攻分隊收復逆村堡九月  
十六日克復容縣振旅入城殲諸僞官亞音逃入大  
化及南渡墟將赴陳金剛於高州聞其伏誅匿於大  
化廣東總督毛鴻賓檄副將方耀道員唐啟蔭移剿  
金剛之師進圖岑溪廣西巡撫張凱嵩檄候選道蔣  
澤春代理岑溪知縣李榮賜督練會之擒僞都督卜  
定張潮維等進偏大化擒亞音弟范六子亞四亞九  
等餘匪竄入自良墟追降其衆曾五姚新昌求招撫  
同時薙髮者三百餘村岑溪踞城賊目胡得廣戴元

英赴方耀營投誠守備方茹軍功鄭紹忠使爲內應  
二十九日收復岑溪餘匪竄入藤縣糯崗十月署潯  
州知府覃遠璫署平南知縣龔玉彬進紮大烏墟署  
梧州知府盧定勳署蒼梧知縣陳如金平岑溪交界  
之北柳大路等村游擊胡志高由藤縣進把總盧勝  
直由北流河口進容縣境內勦撫肅清亞音逃入藤  
縣竇家寨舉人梁聖俞遣投誠之覃亞稅密圖之十  
六日縛亞音至寸磔以狗亞音養子梁亞五集殘黨  
聚石表山十一月初五日首民覃乃輔內應擒之並  
擒亞音子亞十

股匪總錄

卷三

三

六日賊匪... 匪徒... 聚石表山... 擒亞音子亞十... 股匪總錄... 卷三... 三

麥亞新咸豐二年十一月起三年四月止

麥亞新即大燾新廣東陽山縣人當時號稱陽山股匪廣匪大股之一也咸豐二年十一月由白蓮墟竄入懷集黃石凹初僅數百人益以英德清遠土匪三千餘人由橫石至陽山合股擾沙陂石坎平崗太平七鞏勢極猖獗陽山清遠懷集三縣會剿退至英德之連寧九龍十二月復竄懷集匿附郭民房中將襲城謀者焚屋悍黨謝亞標周亞五等斃於火匪者多死餘匪潰奔草湖鳳岡踞龍灣墟兵練合圍由碼頭羅密分三股回陽山石溪寨至蕉坑亞新傷發死其

股匪總錄

卷三

五

弟麥濟聯領其眾三年四月掠德慶至廣寧被擊竄入懷集署知縣李萱擊散獲龍維新等十餘人逸匪鍾亞靈遁回陽山清遠將糾黨復仇葉亞二謝亞田待於白泥坑黃亞閩先得數百人應之旋被獲

子餘人由謝亞田至陽山合股對峙刻不寸平聞大... 入謝某黃石凹時動幾百人益以英德清遠土匪二... 頭匪頭大魁之二也咸豐二年十一月由白蓮墟... 麥亞新即大燾新廣東陽山縣人當時號稱陽山股

麥亞新咸豐二年十一月起三年四月止

羅華觀

潘庸

咸豐四年五月起同治元年十二月止

羅華觀蒼梧下郢土匪也最狡猾人亦最多不輕出掠而分入掠者之所得數必取盈設館以食羣匪無賴悉歸之驅使惟命者縱橫數百里久不能平咸豐四年五月艇匪梁培友竄擾戎墟華觀始出應之培友踞三角嘴結三合會華觀踞下郢八月培友分擾藤縣華觀與羅亞丙馮六唐九助之十月培友敗走廣東華觀踞蒼梧多賢村蔓及潯陽先是閏四月蒼梧東安鄉土匪陳道行與伍建元黃觀蘭姚蘭芳結會於龍盤嶺稱聯義堂竄入石橋五年糾開建土匪

股匪總錄

卷三

三

回竄潯陽與華觀合股十二月知縣陳慶桂剿平道行陸路復通華觀分入昭平之龍江爲武舉嚴超蘭擊敗斬馮開杏鄧有基陳竄木洗恒源等數十級華觀退入下郢培友復至梧州華觀出與合股七年春培友伏誅蒼梧知縣彭昌集招之因出就撫然實潛結陳開閏五月據三角嘴城中糧竭援兵復至昌集自以曾經招撫華觀示恩信就之籌轉輸於東鄉路遇直隸州知州倪濤約偕往時華觀據下郢爲僞秀江府依違以觀成敗陳隊出迎旣至戕倪濤而拘昌集艇匪知昌集在下郢就華觀殺之八月陳開陷梧

州十一月華觀破東安石橋入梧州踞之八年四月  
知府陳瑞芝募潮勇會同廣東提督崑壽克復梧州  
華觀隻身逃出盡戮其家屬之在梧州者時陳金剛  
糾開建東安髮匪數十人踞賀縣之官潭鋪門芙蓉  
池等處役匪劉十三古金四集土匪四千餘人欲竄  
鋪門十三在何家江被殺古金四勾通華觀招羅國  
勇羅世貴互聯東匪聚於山寺村貴縣轉寨土匪岑  
名正蒼梧土匪莫秉隆羅水口五劫芙蓉池連山土  
匪韋上成莫益能亦至蒼梧華觀皆與合股勢復大  
張九年二月結艇匪踞將軍灘分泊戎墟敗竄人和  
股匪總錄

卷三

七

墟三月偪攻城下都司陳福昌擊退八月復至福昌  
陣亡十年春華觀踞下郢分股出石橋按察使蔣益  
澧提督潘慶會同廣東肇羅道劉式恕進軍石橋華  
觀糾陳金剛入蒼梧之多賢沙頭等村潯州艇匪竄  
泊藤縣五月收集金剛敗黨合廣匪數千人與土匪  
潘庸築大巢於四隻分黨踞莫洞竹洞爲陸路一股  
自下郢至倒水木格爲水路一股陳開泊於下流爲  
援九月官軍進剿戎墟候補道吳鏞知府劉楚英參  
將黃威梁喬由水路夾擊十月克戎墟開建投誠之  
范幹挺封養統所部義勇隨副將劉松芳克竹洞守

備李運榮通判蔣上治游擊李運絡克印亭進攻下  
郢十一月知府陳瑞芝統潮勇至同破莫洞三堡賊  
巢敗匪盡歸四箕官軍數道分進圍攻大捷華觀敗  
匿倒水奔入潯州附入陳開股內易名羅祿潘庸遣  
人乞降參將劉清亮縛之請執華觀以自贖因使隨  
營旋逸去十一年正月華觀出踞中車田四月結陳  
開艇匪由濛江駛上五屯新村總兵王月亮鄭忠林  
克新村破中平田參將李運絡陣亡華觀率艇匪駛  
入戎墟糾集匪李惠積踞古薩村副將劉清亮參將  
王茂林往剿廣東碣石鎮總兵李陞揚飭水師助之  
股匪總錄

卷三

三

茂林率守備殷名山千總謝篤之銳入被害五月平  
古薩進克戎墟再捷於大黃江七月陳開伏誅敗匪  
退入潯州或分附陳金剛餘黨於開建十一月貴縣  
黃三復叛收陳開餘黨糾華觀爲援潘庸自四箕逸  
入昭平同治元年十二月團總邱璋錦在西坪詰獲  
伏誅華觀走死

陳金剛

咸豐三年起  
同治二年止

陳金剛廣東流賊也開建人起於北江咸豐五年出擾湖南郴州復回廣東英德清遠陽山七年八月竄入廣西懷集復陷開建卽以懷集開建爲巢穴侯成帶等守之蔓延廣德慶封川連山連州八年正月遣鄭金湯六擾賀縣土匪溫阿二附之焚掠信都芙蓉鋪門官潭等墟其界連蒼梧之山寺村楊橋洞十六寨開建之泗水尾懷集之深冲牛欄皆有悍黨屯踞連山一股乘間藐伺南鄉合力以圖縣城署知縣王康濟與都司何瀛率拔貢生蔣登顯禦之擒溫阿股匪總錄

卷三

无

二往薊官潭鋪門逼營賊巢閱四五月殺傷相當七月金剛由開建遣大股踞梅花塘將逼城下康濟回守城十八日也亟攻城穴地道火發城崩將入爲礮擊南鄉援團至乃退八月初十日又穴南城發火城崩樓覆康濟守嚴得不失九月朔按察使蔣益澧飭參將陳友勝高連陞游擊王月亮以二千五百人往援逆出平樂十二日城陷康濟何瀛皆慘死十月朔官軍攻克觀音巖都司陳智慧陣亡進克點燈寨金剛糾廣開建各匪分股來助官軍進攻茶庵弗利干總謝義勝郭美才等陣亡湖南副將余星元參

將楊恆升游擊宋廣東蔣榮華守備李金陽率師會  
剿十一月蔣益澧移剿陳開於郴州知府潘家馥領  
師九年六月侯成帶與金剛內閣署懷集知縣元慶  
遊擊潘其泰守備高日現乘亂克復懷集金剛入賀  
縣城時石達開驅賊數十萬衆徧擾廣西金剛乘間  
分擾昭平平樂富川延及楚省湖南候選道劉嶽昭  
營於白芒十年四月巡撫曹澍鍾檄左江道蘇鳳文  
會兵蔣益澧游匪陳永秀列營晝眉嶺與金剛相結  
以扼我軍五月湘軍由平樂二塘進剿縣丞吳光春  
由水路繼進殲僞兵部尙書安定侯王鼎新左翼都  
股匪總錄

卷三

三

統平靖侯尤坤樹將軍黃明總兵何昌等五月朔二  
日金剛盛飾列陣以出官軍幾敗參將陳友勝高連  
陞游擊劉文彬復捷於馬峯再捷於馬井道石斬僞  
鎮國公黃三元指揮陳仲都督梁志號佐領溫潤等  
數十級營於茶庵六月楚軍進次黃田湘軍營於北  
門參將劉文彬守備譚文海陣亡賊目譚積亮包理  
安李五晚向二等投誠劉嶽昭撫之得五千餘人七  
月收復賀縣擒僞將軍盧高都督安平侯何亞晚兵  
部尙書靖西伯梁義指揮陸四源王亞仁李子薪等  
金剛開南門出任石橋領數十騎遁回開建收集餘

黨踞高州復與容縣范亞音下郢羅華觀勾結同治  
二年亞音華觀伏誅鄭金殺金剛投誠於開建或云  
金剛斃於下郢其子襲金剛之名回踞高州爲鄭金  
所殺

股匪總錄

卷三

三



此處有模糊不清的文字，部分被墨迹或損壞遮蓋。可辨認的字樣包括：「亞音」、「金剛」、「回踞」、「高州」、「開建」等，與右側正文內容相呼應。

陳豆皮大

咸豐七年正月  
起 四月止

陳豆皮大名顯良爲岑溪梟匪之一初附長髮東匪  
洪逆餘黨也蒼梧藤縣容縣岑溪土匪之著名者如  
馮六戴九覃亞率張華光等皆下之咸豐七年正月  
自蒼梧與牛肉二等率二千餘人竄聚藤縣糯崗墟  
入岑溪之思勞坡踞之坡在城隍對岸與城並峙署  
岑溪知縣周祐守陴豆皮大分竄藤縣波塘繞道入  
岑溪上化鄉之奇營險隘也蒼梧廣平張華光糾廣  
東西寧外匪亦至岑溪永業鄉之替市二月十八日  
實授知縣宋炳璜履任欲動以誠單騎至思勞坡招  
股匪總錄

卷三

三

之豆皮大畏服不敢出見炳璜榜示各村墟凡數千  
言多有歸誠者豆皮大終不悛值歲饑大旱炳璜出  
禱雨發倉穀以賑饑人而令待賑者人自來取因藉  
以募壯丁一鼓渡河趨進思勞坡豆皮大未知也故  
不設備衆潰炳璜麾所帶練入其阻幾縛豆皮大分  
掠下化之賊適回當我軍之後豆皮大見援至奮出  
夾擊壯丁敗走翼炳璜以出及河賊黨易文麒率馬  
隊至炳璜遂遇害署梧州府知府陳瑞芝檄藤縣知  
縣宋尙述往剿豆皮大逸入艇匪股中

刺豆皮大

四月五日

鄧勝知咸豐十年閏三月起  
同治五年十月止

鄧勝知綽號斬鼻四藤縣羅龍里練村人兄勝教皆無賴與族人鄧作會結黨肆出劫掠咸豐十年閏三月朱世倉六朱玉奉朱玉龍謀不軌藤縣知縣宋尙述捕之玉奉等拒捕別糾外匪爲援官軍退至四佳埔作曾出敵先伏勝知於山坳中擁出截官軍爲二因急攻練勇多傷尙述傷矛墜馬下勝知率羣賊鄧亞那二等復刺之賊目莫起先割首以去聞官軍來援皆逸獲黃亞敬廖六同治五年十月勝知潛回至濠江爲團總黃建宣等詰獲於四十三都作會等皆

股匪總錄

卷三

三

已先死

已先死  
亞那二等復刺之賊目莫起先割首以去聞官軍來援皆逸獲黃亞敬廖六同治五年十月勝知潛回至濠江爲團總黃建宣等詰獲於四十三都作會等皆

因急攻練勇多傷尙述傷矛墜馬下勝知率羣賊鄧亞那二等復刺之賊目莫起先割首以去聞官軍來援皆逸獲黃亞敬廖六同治五年十月勝知潛回至濠江爲團總黃建宣等詰獲於四十三都作會等皆

霍十八 蒙五

張庭喜

同治元年十月  
起六年 月止

霍十八藤縣人潘庸羅華觀餘黨也同治元年冬平下郢十八竄逸三年十一月竄踞岑溪縣屬南渡曇容墟勾結平南大坡蒙五張庭喜等襲踞藤縣糯崗公扶巖岑溪土匪潘三羅立樟踞藤縣石鼓頂與岑溪林丁古太河洞羊額大墟黃京根土匪互相邀結游擊周開泰同知姚茂田剿糯崗一股營於太平莊十二月擒陳朝宗破公扶巖平糯崗庭喜走南渡旋回大坡代理岑溪知縣李榮賜剿林丁村一股自十一月至十二月擒梁三李亞九等收復林丁平山餘

股匪總錄

卷三

番

匪併入南渡容縣知縣徐延旭同時攻破黃京小垌擒鍾亞三莫時鳳進克古太十二月會攻南渡干總陳元遂把總甘浦棠繼之四年正月十八以南渡曇容爲老巢竄容縣東南鄉土匪陳鼎紹黃十二應之踞官塘廣東股匪豆皮昌來會旋分踞六蔭楊村官兵克官塘擒陳鼎紹馮七黃添福等復楊村二月攻南渡斬陸邵英等數十級十八竄出大村蛟灣附匪首彭次洪三月擒僞軍師都督蘇玉等克曇容擒柳歲興陳尙珍廖亞通陸亞得移軍攻自良斬僞都督潘二餘匪隨馮王田馮開三竄自良分在各村者尙

有十餘股以次剿捕收復四月水陸分進攻拔自良  
擒王田開三餘黨匪思學會亞金何妹兒劉家林等  
竄入石山寨附匪首馮毓經五月破蛟灣斬黃隴泉  
廖十八等大潰奔石山寨兵練逐之不能止奔獨洲  
村石頭墟匪首曾五約北流逸匪逐日來援官兵乃  
退十八與岑溪潘三羅立樟奔石鼓頂踞之勾結蒙  
五張庭喜龍濟受等起於大坡桂平姚新昌譚晚起  
於羅秀徐延旭陳元綫都司曹福祿守備袁常彪攻  
克三紐花關等村餘匪奔赴曾五於石頭寨皆爲十  
八應援五月官兵大舉分隊進剿次洪敗竄平南軍  
股匪總錄

卷三

五

功覃乃輔擊之附於曾五參將胡志高與知縣吳光  
昭守備袁常彪擒僞將軍陳文瑞攻克石頭墟曾五  
次洪奔赴譚晚合股總兵賀三元攻羅秀譚晚敗竄  
易崙進克之縛曾五次洪及僞元帥揭十二黃慶方  
軍師朱廣求關日養檢點周玉等譚晚匿六楠村爲  
團長楊長吉所擒新昌逸去平南知縣龔玉彬剿劉  
大坡一股擒蒙五巫日龍濟受於寺面墟道員蔣澤  
春飭吳光昭徐延旭會合黃才貴都司翁長春剿石  
山寨一股擒曾亞金陳亞六等首民廿四爲內應兵  
練突入寨中縛毓經及區思學陳亞榮等移得勝之

師合攻石鼓頂十八窮蹙縛潘三羅立樟以獻請投  
誠自贖因磔之駢誅霍祿元陳晚等時閏五月二十  
八日

蒙五大坡人咸豐四年八月與覃亞稅龍際受趙安  
善譚德寬等互爲僞封王公侯伯將軍都督不一號  
稱太平元年結大烏流村佑頁各土匪覃亞兒晚梁  
安然王振等數萬餘人五年二月與蕭晚陸呈志黎  
十襲儒村及平山敗回三月糾合石坪上寺大陸平  
羅各股敗匪來附五月平南知縣李載文剿大坡圍  
數月蒙五幾成擒僞元帥胡世熹黎儀出屯大黎村  
股匪總錄

卷三

美

牽制兵練覃兒晚自大烏來援圍解六年三月擒志  
熹黎儀時梁培友犯平南勾結各股土匪蒙五附之  
陷平南土匪益肆無定處去來皆以大坡爲巢至十  
一年七月艇匪敗滅陸路亦多收復同治元年蒙五  
與庭喜合股踞大坡三年冬知府覃遠璉招撫四年  
春蒙五喜庭復叛應霍十八踞糯崗旋敗回夏平十  
八進剿大坡平南知縣龔玉彬擒蒙五龍際受於寺  
面墟庭喜逸去

張庭喜亦大坡股匪同治二年與王竹甫就撫三年  
春復叛從霍十八踞糯崗四年夏附入蒙五寺面墟

之捷與竹甫覃瑞琛張安仁陸亞七遁 踞進塘遂亡  
命竹甫等先就擒喜庭至六年 月乃獲

股匪總錄

卷三

三

命竹甫等先擒喜庭至六年 月乃獲  
命竹甫等先擒喜庭至六年 月乃獲

10977

10977

